

Bi lagun hil dira euren abioneta Saioa mendian erori ondoren

Elizondoko guardia zibilek atzo goizean aurkitu zuten hegazkina

Erredakzioa / Iruñea

Bi lagun zendu ziren herenegun gauean, euren abionetak istripua izan ondoren Baztanen. Miarritze eta Iruñea bitarteko ibilbidea egiten zuen hegazkinak, eta Saioa mendiaren tontorrera erori zen. Elizondoko Guardia Zibilak atzo goizean aurkitu zituen hegazkinaren arrastoak, mendiaren gailurrean. Zendutako lagunetako bat Senegalen sortutako hiritar frantziarra zen, eta, bestea, berriz, Estoniako.

AIRE istripu larria gertatu zen herenegun gauean Baztanen. Ez jakin nola, abioneta batean zihoazen bi lagunek hegazkinaren kontrola galdu zuten eta Saioa mendiaren kontra jo zuten. Biak han bertan hil ziren.

Iruñeko Gobernu Ordezkaritzak atzo ezagutzea eman zuenez, Noaingo aireportuko kontrol dorreak hegazkinaren arrastoa galdu egin zuen herenegun arratsaldean, abioneta Burlata eta Uhartetik iparralderantz hogeita mila ingurura zegoenean. Aireportuko arduradunek abionetak larrialdiko lurreratzea egin izanaren zuela pentsatu zuten, baina ez zen hala izan. Atzo goizean, 09:30ak aldera, hegazkina Saioa mendiko tontorrean aurkitu zuten Elizondoko koarteleko guardia zibilek.


Istripuaren ondorioz hildako bi lagunak atzerritarrak dira: Senegalen jaio-tako hiritar frantziarra zen bat, eta, bestea, berriz, Estoniako hiritarra.

Hegazkinak Miarritze eta Iruñea bitarteko ibilbidea egiten zuen; herenegun, ordea, Baztanen bukatu zen abionetaren bidaia, tamalez.

Erregairik gabe geratu izanen zirela pentsatzen da

Noaingo aireportuak hegazkinaren arrastoa galdu eta

Istripua Saioa mendian



gero, Elizondoko Guardia Zibilaren koarteleko ardura-dunak jakinaren gainean jarri zituzten. Hango agenteak handik gutxira abionetaren bila hasi ziren, arratsalde partean. Herenengungo bilaketa, ordea, alferrikakoa izan zen, eta eguna iluntzearekin batera bertan behera utzi behar izan zituzten lanak.

■ ■ ■ Atzo artean ez zuten argitu ahal izan istripua zerk eragin zuen. Pentsatzen da, baina, bidaiariak erregairik gabe geratu izanen zirela ustekabean

Atzo goizean goiz bilaketari ekin zioten berriro Elizondoko koarteleko guardia zibilek, eta abionetaren arrastoak mendiaren tontorrean aurkitu zituzten. Hegazkinan zihoazen bi lagunak gorpuak, ondorioz, oinez jaitsi behar izan zituzten menditik, ohatila banatan, Guardia Zibileko kide batek EGUNKARIari atzo jakinarazi zionez.

Agintari ofizialek atzo artean ez zuten argitu ahal izan istripua zerk eragin zuen. Pentsatzen da, baina, bidaiariak erregairik gabe geratu izanen zirela ustekabean. Elizondoko koartelek jakinarazi zutenez, abioneta bat erregairik gabe gelditu zela erranez jaso zuten abisua herenegun eta orduan hasi ziren bilaketa lanetan.

Elgeako auzian epaileen jokaera salatu du EHK

■ Lanak geldiarazi ez dituztela eta, Eolicas de Euskadiren alde jokatzeko ari direla dio

Erredakzioa / Donostia

SANTI HERNANDO eta Iñaki Ulibarri EHko Arabako batzarkideak Gasteizko epaitegira joan ziren atzo berriz, Eolicas de Euskadi S.A.aren kontrako salaketaren inguruko informazioa zabaltzera. EHko kideek diotenez, Elgeako Parke Eolikoko lanak «legez kanpokoak» dira, eta epaileek berehala geldiarazi beharko lituzkete.

Alabaina, epaileek ez dute horrelako agindurik eman, eta parkeko lanak aurrera segitzen dute. Egoeraren aurrean «oso kezkatuta» agertu da EH, eta Gasteizko Epaitegiko 2. eta 3. Instrukzioko epaitegietan atzeman duen «jarrera epele» gaitzetsi du. «Igarotzen ari den minutu bakoitzean itzuliezinezko kaltea egiten ari da balio handiko ekosistema batean», adierazi dute EHko batzarkideek.

Bi epaitegiak arazoak izan zituzten deliberatzeko zeini dagokion salaketa tramitatzea, eta atzerapen hori Eolicas de Euskadi eta Iberdrolaren alde doala salatu du EHK. Jakina denez, Eolicas de Euskadi S.A. enpresaren akzioen erdiak ditu Iberdrolak.

EHren esanetan, epaileak kasu honetan agertzen ari diren mantsotasunak argi uzten du zeinen interes ekonomiko handiak dauden kasu honetan.

EHk berriz ere eskatu zuen lanak geldiarazteko, «atzerapen gehiagorik gabe», bestela indarrez ari baitira legeztatzen «ekintza antiekologiko, antisozial eta irregularitatez beterikoa».

EHko batzarkideek diotenez, lanak egingo ez balira, garbi geratuko litzateke Espainiako justiziaren partzialtasuna, kasu honetan, Eolicas de Euskadi enpresaren alde.